



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«21» փետրվար 2019թ

ք. Երևան

ՈՐՈՇՈՒՄ ԹԻՎ 039286/2

ՀԱՐԿ ՎՃԱՐՈՂԻ ԱՐԳԵԼԱՆՔԻ ԵՆԹԱԿԱ ԱՅԼ ԳՈՒՅՔԻ ՎՐԱ ԱՐԳԵԼԱՆՔ ԴՆԵԼՈՒ
ՄԱՍԻՆ

ՀՀ ՊԵԿ ԻՎ ՀԳ քաժնի գլխավոր մասնագետներ Վ. Հարությունյանս և Ս. Պետրոսյանս
/ՀՀ ՊԵԿ ստորաբաժանման անվանումը, պաշտոնը, անուն, ազգանունը/

Համաձայն ՀՀ պետական եկամուտների կոմիտեի նախագահի 22.01.2019թ. թիվ ԱՀ039286 հանձնարարագրի և ուսումնասիրելով թիվ 4796/06-Ա վարչական վարույթի և հարկ վճարողի վերաբերյալ նյութերը

ՊԱՐԶԵՑԻՆՔ

«Մենք Ենք» ՓԲԸ-ի (ՀՎՀՀ՝ 01828965, հասցե՝ ք. Երևան, Հրազդանի Կիրճ 4, պետ. գրանցման համար՝ 290.120.02487) չկատարված հարկային պարտավորությունը 15.11.2018 թվականի դրությամբ կազմել է 639.656 դրամ, որից ապառք՝ 431.546 դրամ, տույժ՝ 191.378 դրամ, տուգանք՝ 16.732 դրամ: 14.12.2018թ.-ին ՀՀ ՊԵԿ իրավաբանական վարչության պետի կողմից կայացվել է թիվ 4796/06-Ա որոշումը՝ «Մենք Ենք» ՓԲԸ-ից 639.656 դրամ գանձելու վերաբերյալ: 23.01.2019թ.-ի թիվ 039286 որոշմամբ արգելանք է կիրառվել «Մենք Ենք» ՓԲԸ-ի բանկային հաշիվներում առկա դրամական միջոցների վրա 639.656 դրամի չափով, իսկ 20.02.2019թ. թիվ 039286/1 որոշմամբ արգելանք է կիրառվել «Մենք Ենք» ՓԲԸ-ի դրամարկղում առկա կանխիկ դրամական միջոցների վրա 639.656 դրամի չափով:

ՀՀ Հարկային օրենսգրքի 431-րդ հոդվածի 2-րդ մասի 1-ին և 2-րդ կետերի «Մենք Ենք» ՓԲԸ-ի բանկային հաշիվներում դրամական միջոցների և դրամարկղում դրամական միջոցների բացակայության հետևանքով անհրաժեշտ է ղեկավարվել ՀՀ Հարկային օրենսգրքի 431-րդ հոդվածի 2-րդ մասի 3-րդ կետով և արգելանք կիրառել արգելանքի ենթակա այլ գույքի վրա:

Վերոգրյալի հիման վրա, ղեկավարվելով ՀՀ Հարկային օրենսգրքի 429-րդ 430-րդ և 431-րդ հոդվածներով՝

ՈՐՈՇԵՑԻՆՔ

Արգելանք դնել հարկ վճարող «Մենք Ենք» ՓԲԸ-ի (ՀՎՀՀ՝ 01828965) պատկանող արգելադրման ենթակա այլ գույքի վրա 639.656 դրամի չափով:

Նրան արգելել արգելադրված գույքը օգտագործել և /կամ/ տնօրինել և /կամ/ տիրապետել: Որոշման պատճենը ոչ ուշ քան այն ընդունելու հաջորդ օրը, պատշաճ ձևով ուղարկել «Մենք Ենք» ՓԲԸ-ին, ՀՀ ԱԳԿ կոմիտեին, ՀՀ ոստիկանության ճանապարհային ոստիկանություն ծառայությանը:

Արգելանք դնելու մասին որոշումը պարտադիր է բոլոր պետական մարմինների, տեղական ինքնակառավարման մարմինների պաշտոնատար անձանց, կազմակերպությունների ու ֆիզիկական անձանց համար և ենթակա է կատարման Հայաստանի Հանրապետության ամբողջ տարածքում:

Սույն որոշումը կարող է բողոքարկվել հարկային մարմին կամ ՀՀ վարչական դատարան: Որոշման արտադատական կարգով բողոքարկումը, համաձայն ՀՀ Հարկային օրենսգրքի 432-րդ հոդվածի 5-րդ մասի, չի կասեցնում որոշման կատարումը:

Վ. Հարությունյան

/Արգելանք դնող պաշտոնատար անունը, ազգանունը/

Ս. Պետրոսյան

/Արգելանք դնող պաշտոնատար անունը, ազգանունը/



Սույն որոշումը ստանալու պահից Դուք նախազգուշացված եք արգելադրված գույքը կամ դրա առանձին բաղադրամասերը վատնելու, օտարելու, թաքցնելու կամ ապօրինաբար մեկ ուրիշին հանձնելու դեպքում վարչական կամ քրեական պատասխանատվության ենթարկվելու մասին:

Ստացա որոշման օրինակը _____